

短評

寧陽鐵路公司之厄運

(建武)

▲孫文之罪浮於盛宣懷

寧陽鐵路公司。多為華僑血本所組成。於四邑之交通。大為裨補。當事者十餘年之辛苦經營。始有今日之成績。注意路政之當局。對之原應加以維護。以鼓勵別處之民。亦組合公司。經營鐵道而利交通。斷不肯再三摧殘。幾使其停閉而後快也。乃自粵省偉人倡亂以來。豺虎之軍。封車載運。既未賞給資。公司已耗損甚巨。而孫文始則向之勒索十五萬。不應則派員騎收車脚。今又向之勒索三十萬。致總理陳宜禧要逃避。橫暴頻加。敲榨吸髓。所謂民生主義者。竟如是耶。孫文固曾任全國鐵路督辦。其所著建國方略。對於鐵路交通。亦言之至詳盡。今施諸寧陽鐵路公司者。此勢不至其倒閉不止。因為該公司之厄運。而影響所及。各埠華僑。鑒於政府萬惡。民有民管之交通事業。不克受保障。將必裹足不肯投資築路。是則孫文之罪惡。浮於勝清之盛宣懷多矣。

小說

狐媚(一)(袁克文)

又五易草木。翁卒。更臨哭。絕哀。又五易草木。更入見。啓元母。謂曰。痛。越數日。更入見。啓元母。謂曰。予與若翁。親逾手足。五載歡笑。無一日間。今不幸。予雖稱仙。人天亦若爾輩。每睹室物。心戚欲摧。今擬遷居山中。暫辭爾母子。若子與予長孫之婚約。若翁主之。若翁雖沒。不當有異言。三年後。予親送女孫。至此成禮。選吉迎娶。無勞親家煩也。啓元母。心實畏之。但唯唯而已。更復撫棺長號而後返。自是遂不復見。啓元母。更去。頗自喜慰。以為三年之期尚遙。擬先為啓元婚於他姓。延媒訪說。荷遇白成者。女家必有仙狐之擾。聞空中言曰。杜啓元。吾婿也。有敢增之者。必無幸。約立解。猶可。人遂無敢增啓元者。如是者屢。啓元母亦不復持異議矣。至約期。更携采以車至。後載甚盛。左右鄰無不見之。更仍居後園。告啓元母以所選之吉日。先時陳備。至日。翁之戚族朋好。畢臨稱賀。詢知翁氏胡而不覺為狐。及見物豐華。相顧歎美。爭競新婦。見其冰肌勝雪。玉臉凝春。不御粉脂。豈空凡艷。驚相告曰。杜家郎。偶得仙子矣。吾未覓有人若是白且麗者。胡氏何來。翁在。胡未嘗聞焉。胡氏仙歟。咸疑詫。終莫能悉。采既嫁。更則辭歸山中。啓元與采。燕好逾恒。而其母猶懷懼不能釋。采采朝夕進侍。母若避不遑。采采謂啓元曰。人之娶婦。以奉翁姑也。今姑畏婦。婦何能安。擬請姑為君納。側室。代妾盡婦職。妾歸山中。俟姑慮解。再來俟養。啓元泣曰。卿將棄我而去耶。采采曰。

大漢公報叢錄

中華民國二十二年

新聞紙第廿二卷

特載

朱爾典演說中國與列強

列強

君勿悲。妾與君仍朝夕處也。君日歸定省。念妾。即默思妾言貌。妾立來迎。雖千萬里無阻焉。(未完)

、換言之、即中國未有良政府以前、絕不當供給借款者也、關於治外法權之重要問題、先述最近土耳其改革舊制之談判、據報載、列強允許土國廢止治外法權之惟一條件、土國於五年之中、土國司法、必聘請外人為顧問、但即土國照土國交換情形、在中國恐亦尚難認為足以保障外人在華之利益、中國年來雖頒行許多法典、但遇軍人、即無權管轄、因軍人自始不認有法律、故中國司法、欲與多數文明國家並列、似尚需時日也、(未完)

奇聞

鷄卵孵出嬰兒

香山、恭鎮鎮附近之連屏堡傳某畜母雞一頭。本年三月初旬。生有鷄卵一枚。比諸平常鷄卵有四倍之大。自母雞生此卵之後。即抱卵而孵。且夕不離。傳某嫌其抱卵日久。有碍產卵。雖屢次以冷水澆之。而母雞之孵如故。月之二日傳某故侯瓜與英雄榮。灌漑當時曉曉。

出自鷄巢。趨而視之。見有嬰兒長約二寸。仰臥巢內。而卵壳遺在兒身之旁。母雞見傳某欲取其兒。撲翅奮與傳某力爭。似恐傳某欲取其兒也。鄰人聞之。爭來觀看。門限為之穿。傳某以罐頭牛乳飼之。與嬰兒飲乳無異。而傳某之妻以為不祥之物。越日送往澳門育嬰堂。聞傳某鄰人曾向人言。某日有牧童一群在樹下游嬉。某牧童戲與母雞交。故生是卵云。噫天下事可謂無奇不有矣。

詩界

春寒三絕 二 (社英)

眉尖五尺壓春陰。花底輕寒剪剪侵。聞道窮邊風雪裏。有人勒馬彈黃金。其三。春風任拂碧闌干。錦幕重重却嫩寒。滿意爐溫留得住。未防香篆漸飄殘。(雲卿)

Yucko Chow Photo Studio. 23 PENDER ST. W. VANCOUVER B.C.

輔行雜貨公司 行發大品食用日司公貨雜行輔. 107 PENDER ST. E. VANCOUVER B. C. PHONE SEY. 3440

環球公司

WANCOW COMPANY HARDWARE. 33 Pender Street East Vancouver, B. C. Canada Phone Sey. 4994. 張開號三十三牌門街東打片埠華高雲大拿加在舖行鐵大司公球環